



Inatsisartunut ilaasortaq Ruth Heilmann, Siumut

§ 37 naapertorlugu kommunit innarluutilinnik sulianik ingerlatsisarnerannik sullissine-rannillu naliliinissaq pillugu apeqqummut nr. 132-mut akissut.

07-07-2014
Suliap nr. 2014-101258
All. nr. 1621374

Asasara Ruth Heilmann,

Qujanaq ataani allassimasunik apeqqutinnut.

Apeqquut 1:

"Nunatsinni innarluutillit sullinneqarnerat Namminersorlutik Oqartussanit akisussaaffigineqarunnaarlutik januarip aallaqqaataanit 2014-imi kommuninit akisussaaffigineqalerput.

Maanna ukiut pingasut akisussaaffiup kommuniiitinneqareernerani naliliinissaq pisariaqartinneqartoq malunnarpoq. Ima apeqquteqassuunga:

Naalakkersuisut nalilersuinissamik pilersaaruteqarpat?"

Akissut:

1. januar 2011-mi kommunit Kalaallit Nunaanni innarluutilinnik isumaginninnerup ingerlanneqarnera aningaasalersugaaneralu akisussaaffigilerpaat aalajangiiffigisalerlugillu.

Kalaallit Nunaanni innarluutilinnik paaqqinnittarfiit ataasiakkaat ingerlanneqarneranut Namminersorlutik Oqartussat akisussaaginnarput, kisiannili aserfallatsaaliinnermut aningaasaliissutit kommuninut isumagisassanngortinneqarlutik.

Tunniussinermut atatillugu KANUKOKA-p aamma Namminersorlutik Oqartussat akornanni isumaqatigiisummi aalajangiunneqarpoq, Ilaqutariinnermut Inatsisinillu Atuutsitsinnermut Naalakkersuisoqarfik kommuni sakkortusisamik nakkutilliisassasoq. Nakkutilliinnermit nalinginnaasumik nakkutilliinissamik pisussaaffiit, nalinginnaasumik nakkutilliinermik imallit saniatigut, nakkutilliinnermut ilaatinneqartassapput tassani isiginiarneqartassalluni, kommuninit suliassat nuunneqarsimasut iluarsivigineqartarnersut pineqartumi inatsisiliorneq naapertorlugu. Naliliinnermut taamatut nakkutilliineq ilaatinneqassaaq, kiisalu pissutsit allat pineqartumi tamakkiisumik naliliinnermut pingaaruteqartut. Naliliinnermik sulineq KANUKOKA-mit isumaqatigiissuteqarnikkut ingerlanneqartassaaq.

Apeqquut 2:

"Nalilersuisoqarnissaanik pilersaaruteqartoqarpat, qaqugu nalilersuisoqassava?"

Akissut:

Nalilersuinnermik sulineq ingerlanneqarpoq. Kommunini nakkutilliilluni tikeraartoqassaaq, tamakkiisumillu nakkutilliinnermik suliarinnittoqassalluni KANUKOKA suleqatigalugu 2014-ip naalernerani.

Apeqquut 3

"Suut nalilersorneqassappat?"

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Akissut:

Naliliivigineqassaaq isumaginnittussanngortitsinikkut siunertarineqartut pissusiviusutigut naammassineqarsimanerat takuneqarsinnaanersoq. Tamakku tassaapput:

- innuttaasunut ataasiakkaanut tunngatillugu aalajangiisinnaaneq qaninnerulersillugu, taamaaliornikkut innuttaasut pitsaanerusementumik sullinneqalissammata,
- suliat suliarineqartarneranni allaffissorpeq pisariinnerulersillugu paasiuminarnerulersillugulu,
- aalajangiisinnaassuseqarnerup aningaasalersuinissamullu akisussaaffiit akornanni sapinngisamik annertunerpaamik ataqatigiissitsisoqarluni,
- inuit annertuumik innarluutillit sullinneqarnerisa ineriartortittuarnissaannut pitsaanerusementumik periarfissiilluni.

Sakkortusisamik nakkutilliinikkut misissuisoqartassaaq sulianik nakkutilliilluni, sulianik suliarinnittartunik atuisunillu apersuilluni, qanoq annertutigisumik

- innuttaasut innarluutillit inatsisit malillugit ikiorneqarsinnaatitaanermittut ikiorneqartarnerusut,
- innarluutilinnik isumaginninneq inatsit inatsimmilu siunniunneqartut naapertorlugit ingerlatsivigineqarnerusoq,
- innarluutilinnik isumaginninneq suliamut aningaasaqarnermullu tunngatillugu pissusissamisoortumik iluarsartuunneqartarnerusoq/ suliarineqartarnerusoq,
- kommuninit isumaginnittussanngortitsinikkut iluaqutissatut naatsorsuutigineqartut anguneqarsimanersut,
- kommunit pisariinnerusementumik suliat ingerlaartarnerisigut pitsaanerusementumik innuttaasunik sullissinissaq qulakkeersimaneraat,
- kommunit neqeroorutit pisariaqartitallu akornanni annertunerusementumik naapertuunermik pilersitsisimanersut,
- kommunit innarluutilinnik sullissineq pitsaanerulersissimaneraat, ataatsimut isigalugu.

Inussiarnersumik inuulluaqqusillunga

Steen Lyngé

Peqqissutsimut Attaveqarnermullu Naalakkersuisoq